

Privredna komora Unsko-sanskog kantona najavljuje organizaciju sajma EKOBIS 2025 koji će biti održan u period od 04.09.2025.godine do 07.09.2025. godine u Sportskoj dvorani Luke u Bihaću. Cilj organiziranja sajma EKOBIS 2025 je promocija privrednih subjekata i obrta, proizvoda i usluga, poslovno umrežavanje i edukacija.

Na osnovu člana 48. Statuta Privredne komore Unsko-sanskog kantona ("Službene novine Federacije Bosne i Hercegovine", broj: 35/98), Privredna komora Unsko-sanskog kantona objavljuje:

JAVNI POZIV ZA ISKAZIVANJE INTERESA

za organizaciju ugostiteljskih usluga u periodu od 04.09.2025. godine do 07.09.2025. godine
u okviru 21. Međunarodnog sajma ekologije – EKOBIS 2025

1. Predmet Javnog poziva za iskazivanje interesa

Privredna komora Unsko-sanskog kantona (u daljnjem tekstu organizator) poziva zainteresovane pravne i fizičke osobe (u daljnjem tekstu ponuđač) da podnesu ponude za organizaciju ugostiteljskih usluga tijekom 21. Međunarodnog sajma ekologije – EKOBIS 2025 (u daljnjem tekstu sajam).

Predmet ovog Javnog poziva je zakup lokacije za postavljenje montažnog objekata kako slijedi:

Vanjski prostor ispred Sportske dvorane Luke, Mirze Delibašića bb, Bihać – 1 objekat veličine do 80 m².

Montažni objekt osigurava i postavlja izabrani ponuđač o vlastitom trošku.

2. Lokacija i radno vrijeme

Lokacija: Vanjski prostor ispred Sportske dvorane Luke, Mirze Delibašića bb, Bihać. Priprema i postavljanje objekta, uređaja i opreme odvijat će se u periodu od 31. august od 09:00 sati do najkasnije 2. septembra do 20.00 sati. Radno vrijeme ugostiteljskog objekta od 4. do 7. septembra 2025. godine: od 10:00 do 19:00. Izabrani ponuđač dužan je javnu površinu osloboditi od osoba i stvari i ostaviti istu urednom i čistom najkasnije dana 8. septembra 2025. godine do 15:00 sati.

3. Subjekti koji se mogu prijaviti na Javni poziv za iskazivanje interesa

Pravo podnošenja prijave za korištenje vanjskog prostora ispred Sportske dvorane Luke za ugostiteljsku djelatnost u periodu od 04.09.2025.godine do 07.09.2025. imaju:

- a) fizička lica koja obavljaju samostalne djelatnosti (obrtnici koji su registrirani za obavljanje ugostiteljske djelatnosti) registrovane na području BiH kod nadležnog organa za registraciju djelatnosti i koji registrovanu djelatnost obavljaju kao osnovno zanimanje, a u vezi sa pripremom i posluživanjem hrane i pića, te
- b) privredna društva (d.o.o.) koja su registrovana na području BiH za obavljanje djelatnosti ugostiteljstva, odnosno priprema i posluživanje hrane i pića.

4. Obaveze ponuđača

- Obavlja montažu i demontažu objekta
- Osigurati osoblje za rad
- Osigurati inventar za rad
- Pridržavati se ugovorenog radnog vremena
- Imati dostupnu zalihu robe za vrijeme trajanja sajma
- Čišćenje prostora koji koristi
- Osigurati sve mjere zaštite na radu
- Uredno poslovanje i pridržavanje propisa i Zakona države Bosne i Hercegovine
- Ne puštati muziku
- Vratiti u prvobitno stanje lokaciju nakon završetka sajma
- U slučaju nepoštivanja radnog vremena sajma, ugostitelji će platiti penale u duplom iznosu od ukupnog najma za svaki dan održavanja sajma. Nepoštivanje radnog vremena utvrđivat će voditelj lokacije, angažiran od strane organizatora, te odmah po utvrđenoj nepravilnosti obavijestiti zakupca o istoj.

5. Obaveze organizatora

- Besplatni priključak i korištenje električne energije
- Besplatni priključak i korištenje vode
- Obezbjedenje lokacije za odlaganje smeća
- Promovisanje sajma
- Organizirati zaštitarsku službu za vrijeme trajanja sajma

6. Kriterij za odabir

Početna cijena najma vanjskog prostora ispred Sportske dvorane Luke za ugostiteljsku djelatnost površine do 100 m² za cjelokupni period trajanja sajma je od **4,00 KM + PDV po m²**.

Zakup je moguć samo u slučaju najma svih dana trajanja sajma i u punom radnom vremenu sajma. Neovisno o vremenskim uslovima i održavanju sajma najam se plaća u punom iznos za sve dane sajma.

Kriterij za odabir najpovoljnijeg ponuđača je:

1. Najviša ponuđena cijena po m²
2. Prigodni i raznovrsni meni/jelovnik (detaljan popis jela i pića, ocjena 1-20).

Ako dva ili više ponuđača ponude istu cijenu, odabrat će se ponuđač sa prigodnijom i raznovrsnijom ponudom menija/jelovnika.

Organizator zadržava pravo ne izabrati niti jednog ponuditelja.

Organizator nije dužan davati posebna obrazloženja zbog izbora ponuđača i pri svemu ne snosi nikakvu odgovornost prema ponuđačima.

Nakon provedenog postupka po Javnom pozivu sa najpovoljnijim ponuđačem zaključit će se Ugovor za organizaciju ugostiteljskih usluga tokom 21. Međunarodnog sajma ekologije - EKOBIS 2025.

7. Način prijavljivanja

Prijave na ovaj Javni poziv podnose se na prijavnom obrascu (Obrazac 1) koji se može preuzeti u prilogu ovog Poziva.

Uz popunjen prijavni obrazac (Obrazac 1), prijavitelj je dužan dostaviti sljedeću dokumentaciju:

- Kopija Uvjerenja o poreznoj registraciji (za pravna lica)
- Ovjereni kopija rješenje o obavljanju samostalne djelatnosti nadležnog gradskog organa uprave (za fizička lica)
- Dokaz o vršenju ugostiteljskih usluga (dostaviti najmanje 1 preporuku ustanove/firme sa kojom je prethodno realizovana saradnja ili računa/fakture ili neki sličan dokaz kojim se traženo dokazuje).

X NAČIN DOSTAVLJANJA PRIJAVA:

Javni poziv za iskazivanje interesa ostaje otvoren **do utorka 12.08.2025. godine do 15:00 sati**. Javni poziv za iskazivanje interesa će se objaviti na službenoj stranici PKUSK: www.pkusk.com.

Prijavu sa pratećom dokumentacijom **dostavlja se lično na protokol Privredne komore Unsko-sanskog kantona na adresi Trg maršala Tita bb, Bihać** u zatvorenoj koverti s naznakom "Prijava za organizaciju ugostiteljskih usluga tokom 21. Međunarodnog sajma ekologije - EKOBIS 2025" - ne otvaraj,"

Na poledini koverta napisati naziv i adresu ponuđača, kontakt osobu i mobilni telefon. Nepotpune i neblagovremene prijave neće se uzimati u razmatranje.

Za sve dodatne informacije u vezi javnog poziva, zainteresovana lica mogu se obratiti Privrednoj komori Unsko-sanskog kantona na telefon 037/316-350 od 08:00 do 16:00 sati.

Prilog 1: Obrazac ponude

Za organizatora:

Sanela Sabljaković, predsjednica
Privredna komora USK

Broj: 01-47-166/25

Datum: 06.08.2025. godine